

銅熨斗齋隨筆(二)
大雲山房雜記



大雲山房雜記

惲敬撰

中華書局

刻大雲山房雜記序

簡堂先生文直溯子長孟堅以下不屑道也。所著大雲山房文藁初集四卷先刻于京師補刻于常州復刻于南昌二集四卷刻于廣州後附言事一卷蓋不知幾經刪定而後成書而先生畢生精力亦萃於此矣。此外若外集若詩詞若十二章圖說古今首服圖說子居決事皆存其序目於文集中而其書世不數觀。先世父比部公爲先生女夫藏先生手藁數十篇覲元幼時常得見之今都散佚其存者十二章圖說二卷圖已不全及此雜記二卷而已。雜記不見於文集或所手刪或成於刻集之後均未可知。要亦文之畸零於先生無足輕重者。雖然世固謂視一鱗而知龍見一翼而知鳳非龍之體具此一鱗鳳之美萃此一翼蓋卽此一鱗一翼已非凡有鱗者之鱗與凡有翼者之翼所可及也。故刻之以質世之讀先生文者。同治十二年九月歸安姚覲元撰。

大雲山房雜記卷一

陽湖惺敬著

說文。稊。穀之皮也。从禾。庚聲。或省作康。臣鍇曰。爾雅。康。空也。米去皮。其肉空之意。按爾雅釋詁。康。樂也。又曰。靜也。安也。無康空之文。唯源釋慮。注以邱墟爲義。而引方言釋空。蓋邱墟亦空義也。康。空也。乃詩酌彼康爵傳耳。米皮於樂。靜安三義不附。當从楚金說。轉訓空。空則無事。無事。則樂靜安三義均附矣。

爾雅釋詁疏曰。詁。古也。古今異言。釋言疏曰。初別國不相往來之語也。而陸氏音義以爲釋古今之訓義。按陸義非也。釋詁。釋古今遞異之言。釋言。釋別國各異之言。縱橫之義也。釋訓。乃訓其義耳。陸氏釋言。乃入釋詁。釋訓二義。能無惑後學歟。

說文。亅。古文終。不釋義。集古錄。龔伯彞釋終爲亅。無下一。與說文異。其諸器有剝蝕。亅行爲刀。反人爲人。人化爲匕。若是。則亅其象人之終歟。向左爲刀。兩之爲𠂔。從陽之義也。向右爲人。兩之爲比。從陰之義也。人化爲匕。歸無於土之義也。人終爲亅。就斂於牀之義也。一其所以薦歟。與葬同義。葬死在井中。一所薦也。

齊侯鐘銘辭曰。王五月曰。公曰。對揚朕辟。皇君之錫命曰。是辟於齊侯之所。曰有恭於公所。其齊臣銘功之辭歟。曰咸有九州。其霸後之辭歟。薛氏以臨淄。東萊。北海。齊密。膠東。泰山。樂安。濟南。平原。釋九州。非

也。又曰：其配夔公之妃，而鍼公之女，粵生叔及猶，大明敘太姒，思齊敘太任，由母立義耳。薛氏以爲及其配偶，引齊侯之子，衛侯之妻，由妻立義，亦非也。宜改題曰：齊叔及鍾鐘，伯碩父鼎，皇祖釐仲，釐卽儔，如魯之襄仲，武仲，諡也。薛氏以爲族，非也。

板之六章，如堦如簠，言令之相應也。如珪如璋，言法之相合也。攜所未有曰取，取所已有曰攜。事之相待也。歸民如此，皆天道之自然耳。若人主有自德之心，則民不易攜矣。故曰：攜無曰益，歸民孔易，止言攜不言取，不言堦簠珪璋者，蒙上言之也。

板之七章，藩言遠而弱也，垣言近而固也。价人掌之司徒者也，大師聚之司馬者也，故以藩垣況焉。屏，屏內外者也，翰，幹牆宇者也，大邦，強諸侯也，大宗，畿內世臣大族也，故以屏翰況焉。寧，大也，可安居，用賢則安也。然非固宗子，則五者皆無紀矣，故以宗子維城終焉。城固，則藩垣屏翰寧，皆可盡力也。鄭箋、朱傳俱未當。

召晏不云自頻箋，頻當作演，非也。古頻卽演。

卷阿序，召穆公戒成王也。言求賢用吉士也。鄭箋以豈弟君子屬賢，爾屬成王，吉士爲賢所用之人，蓋以賢致賢之義，故曰求賢用吉士，謂求賢使用此吉士也。其義甚大，孔疏以吉士亦指賢，則吉士維君子使，吉人維君子命，不可通矣。朱子因此以君子指成王，則維君子使，媚於天子，不參差複沓耶。下章媚於庶人，又別出一義，不更參差複沓耶。故豈弟君子之釋箋義爲最長，不可易也。

首章言王能禮賢。則君子來游。歌而所以禮之者未言。末章言車馬庶多閑馳。所謂其天位天祿也。如朱傳。則斯言爲泛矣。

武王未受命。自文王以上皆先公。故曰自先公道。可折受命稱王之謬。箋云。嗣先君。疏云。成王所嗣者。先王也。而曰先公。公是君之別名。乃曲說也。

史記書項王起事之時曰籍。後曰羽。鴻門後曰項王。至與亭長騎後書曰。獨籍所殺漢軍數百人。與前起事籍所殺數十百人同。蓋斬一將一都尉。尙有衆定上下名分。至此乃匹夫之事也。下書曰項王者。要始終之辭也。

高帝紀垓下之戰。書曰淮陰侯。孔將軍。費將軍。曰皇帝曰絳侯。柴將軍。此以帝制臨羽。故羣臣皆不名。功臣侯表。孔聚。卽孔將軍。費侯陳賀。卽費將軍。魏叔子謂失其名。非也。張耳陳餘列傳。貫高曰。今王事高祖甚恭。而高祖無禮。曰。今怨高祖辱吾王。此貫高怒斥高祖之名。史公故追書高祖也。張敖語中。則一例書之耳。

孟嘗君傳曰。文卒。諡曰孟嘗君。按諡法。無嘗義。亦無孟義。戰國策。靖郭孟嘗。皆生前號也。孟與嘗地名。說文。桀。磔也。从舛。在木上也。臣錯曰。周禮謂磔爲醢辜。古人言桀。謂其凶暴若磔也。乘。覆也。从入。桀。桀黠也。軍法曰乘。臣錯曰。乘者。自上覆之也。二義皆支。

屈原賈生列傳曰。怒而疏屈平。曰。於是天子後亦疏之。曰。以爲非我莫能爲。曰。乃以爲不能及也。二人致

疏之由。與疏後。怨望皆同。故合傳之。然屈原宗臣。賈生疏賤。楚懷襄危亡。漢文盛主。兩傳抑揚具見。故論中。則以屈原爲主。而賈生相發明焉。行文平正通達。最爲易見。後人橫生議論。何耶。

讀屈原賈生列傳。若以弔屈原。文。鵬鳥賦。爲縈拂。其人於文。終身不得上乘。

賅餘叢考。謂今之馬褂。卽古之半臂。半袖。貉袖。以袖及臂之半也。無袖者爲背子。兩檔。按半臂。半袖。減其袖耳。貉袖。卽鶴袖。并短其前後齋。因話錄。所謂兩袖掩肘。坐窻不妨脫著也。然皆漢宋衣制。減之短之。與今制不同。明史輿服志。從幸服罩甲。其制卽今之大褂。減袖短齋。卽馬褂也。

說文無褂字。玉篇亦無之。蓋卽桂字也。桂。卦。挂。皆從圭得聲。則桂有去音矣。俗作褂者。如挂作掛耳。不可從。

釋名。桂。婦人上服。上廣下狹如圭。今婦人上服。上狹下廣如圭。其古今異制歟。或釋名字誤歟。如圭者。必四衩。今罩甲之制。四衩。故亦曰桂也。

賅餘叢考。引中華古今注。隋文帝征遼。詔百官服缺胯襖子。三品以上皆紫。爲今之缺襟袍。此說非也。缺胯襖子。卽窄袖紫衫。古以爲軍中之服。宋南渡後。始服以朝。以前後衩。便乘騎。故曰缺胯耳。說文。冀。从北。異聲。臣鍔曰。北方之州也。假借爲覬覦之覬。左傳。鄭有備矣。不可冀也。

楊貴妃死於天寶十五載。年三十八。逆數。當生於開元七年己未。至二十三年。冊壽王妃。年十七矣。二十八年爲女道士。年二十二耳。天寶四載。冊爲貴妃。年二十六。

世說。庾太尉。目庾郎中家從。談談之許。王敬美曰。史記涉之爲王沈沈者。註沈沈猶談談。俗言深也。按今書潭潭者。非也。

晉書習鑿齒傳。襄鄧反正。朝廷徵之。會卒不果。是鑿齒沒於襄陽也。江西習氏譜。附會鄙誕之辭。不可信。莊子天下篇。丁子有尾。丁鑿丁也。丁子猶言蟻子也。無尾而理有尾。如卵有毛。馬有卵一例耳。丹鉛錄釋以篆文丁字子字者。非也。舊註指活東亦非。活東本有尾而腿。不必辯者。始能言其有尾。

惲氏譜收一詩曰。東際鯨波郡國寬。魚符新縮漢郎官。循良舊望人先喜。山水佳遊路豈難。齊閑靜依棠樹立。海天晴得蜃樓看。相知不久那成別。遙聽賢聲爲爾歡。題曰。司勳正郎惲器之。擢守溫郡。賦此贈行。相傳爲嚴分宜作。而削其姓名。檢鈴山堂集無此詩。當是張羅峯作耳。羅峯溫人。與器之同年。

說文。嬉好。支格人語也。方隅反。今吳人以支格人語爲嬉話。書作繚。非也。媼面醜也。戶刮反。今吳人以愧爲媼。面書作刮。亦非也。媼過差也。臣錯曰。女性易成媼也。今吳人以女善淫爲媼。書作濫。非也。媼苛也。禍了反。一曰。擾戲弄也。今吳人以女戲弄爲媼。書作鼻。非也。僂他迭反。僂他活反。今吳人以輕便爲僂。書作撇脫。非也。景福殿賦。僂脫承便。亦借字也。

埔峭。卽埔俏。好形貌。魏收連峭難爲。當從此。周公謹轉爲波峭。非也。糴梳。今米花。嘔曉。目深也。搆搆。不曉事也。嚙嚙。卽髮巢。今吳人以極高爲嚙嚙。書作的立。非也。

柳氏舊聞。開元中。張說恩澤無與比。肅宗與說二子均埊。如親戚兄弟。杜詩贈張四學士云。宮中漢客星。

言珣與肅宗爲布衣交。如子陵之於光武耳。註皆謬。

天寶遺事。楊妃以簪際冰條爲冰筋。今淋澤也。九思云。冰凍兮洛澤。

諸臯記。智圓向陽科腳中。古人能書瑣事如此。

後漢書。匾表其門。匾字最古。後方有榜字。如凌雲臺榜是也。

酉陽雜俎。鸛鷀狀如燕稍大。短趾似鼠。出涼州。此卽今飛鼠也。相如鸛鷀裘。卽此鼠。凡白雜毛曰肅霜。馬烏鼠皆取之。

舊五代史。周太祖本紀。有小底軍。王銍默記。王介甫家。小底不如大底。謝師宰家。大底不如小底。周書。周公自稱小已。史記。司馬相如傳贊。小已。師古注。對大人之稱。

默記。言歐陽文忠省試請題。乃目眊瘦弱少年。各書皆言公貌豐。豈弱於前而豐於後耶。

徐鉉無子。錯子居攝山前。

關雎。一窠二室。雌雄異居。

金樓子。伯樂教所惜者。相千里馬。所愛者。相驚馬。千里馬不時有。其利緩。驚馬日售。其利急。所謂下言而上用也。

明月之夜。可遠視。不可近書。霧露之朝。可近書。不可遠視。人才性亦如是。各有不同也。

酉陽雜俎。棘竹。一名苞竹。節皆有刺。數十莖爲一叢。南夷種以爲城。卒不可攻。或自崩。根出大如酒甕。縱

橫相承。大如縲車。食之落人齒。今江西多有之。斯干詩。言如竹苞。以此。

鐵圍山叢談。解毒丹。卽博濟方中之保靈丹。甚效。一丸能救一人。

黃沆。從陳瑩中。黃魯直學。言漢二劉。唐武平一。解春秋。止知會計甲子若干。侵若干。戰若干。如愚者學佛。言金剛經有一十三恆河沙。三十八何以故也。

周元公。王文成。皆鄭之自出。乾隆五十七年閏月二十二日。清如先生於浙江藩署言之。

往在都中。於劉青垣先生處。觀南田老人一立幀。題詩曰。草木無本性。山水亦沈冥。借問此何時。天醉殊未醒。又於查映山侍御處。見南田仿仲圭雲林長卷。

韓非子。諷談多讀古人之書。今吳人以多言爲諷談。

老學菴筆記。紹興初。百官相見。用榜子直書銜及姓名。今手本式是也。曹武惠平江南還。閣門進榜子云。奉旨江南公幹還。意古者書皆卷子。五代時。有葉子。則榜子卽今摺子也。故可以白事。後遂以書相見姓名。

東坡志林。言戴嵩畫牛。掉尾而門。爲牧童所哂。此說非也。嵩蓋畫牛作鬥勢耳。作勢則掉尾。至急抵。方尾搐入股間。古名畫皆精思體物。不可妄詆。如黃筌畫飛鳥。頸足皆展。東坡亦詆之。不知筌乃畫翔鳥也。飛足縮。飛而翔。則將集。故足展也。

東坡食癡未盡。如志林引壽聖禪師坐死赴市曹。以赦出家。謂出生死。須向死地走一遭。今竄逐海上。當

證阿羅漢果。雖戲言。然前後際真斷者。必無是言也。其引樂天忠州除書至先一日。鑪鼎敗。謂世事出世事不並立。今世事真敗。可冀丹成。與前一條可並觀。

玉川月蝕詩。官爵奉董秦。東坡以爲李忠臣。非也。乃言董偃。秦宮。刺貴人寵惡奴壞家法耳。董或指董賢。帝王之嬖也。秦宮。將相之嬖也。

老學菴筆記。宣和末。竹骨爲短柄。插至扇半。名不澈頭。今吳人以鈍置爲不澈頭。

峽江蕭山寺志。載蕭子雲舊居。有流觴曲水。近寺僧於階砌悉剝曲溜。可改也。

豫章書。載周公瑾鎮巴邱。引裴松之三國志注云。孫策於時。始得豫章。廬陵。尙未能定江夏。瑜之所鎮。常在今巴邱縣也。與後所平巴邱不同。其言甚核。而江西省志。瑜已爲江夏太守。巴邱。卽今岳州之巴陵。此修志者不學之失也。按瑜本傳。策欲取荊州。以瑜爲中護軍。江夏太守。是時黃祖守江夏。瑜止廬陵而已。下云。攻皖。拔之。始得皖。復進潯陽。破劉勰。始得潯陽。繼云。討江夏。又繼云。還定豫章。廬陵。留鎮巴邱。蓋瑜自潯陽逆流。西攻江夏。不能克。還兵南定豫章。廬陵。其時始興等郡未下。故留鎮巴邱。皆建安三年事也。至十一年。黃祖遣兵入柴桑。十二年。瑜復攻黃祖。旋爲大都督。敗曹操於赤壁。遂以偏將軍領南郡太守。屯江陵。十三年。孫權自攻黃祖。斬之。江夏方屬孫氏。在瑜鎮巴邱之後十年矣。是瑜留鎮之巴邱。爲漢之巴邱縣。今之峽江縣無疑。裴松之未嘗誤也。至本傳。後瑜還江陵。道於巴邱而卒。松之以爲巴陵亦是。乃今之岳州巴陵也。

後漢書鄧禹書諸將名於竹簡亂著簡中令各探之較劉盆子傳探符事更寫得詳盡
董源爲北苑使故世稱董北苑畫史會要言字北苑非也源字叔達耳

經旁注始明初朱升

洪武元年改官制尙左按此制因宋有出身人官銜帶左耳故左右相與漢唐異
廣韻齡虛咸切醺竹咸切齡醺出頭貌今吳人以強顏爲齡醺面孔書連艱非也

墅敕立切霽息入切大雨也今吳以秋雨爲秋墅霽

虎邱本圖閭墓後世傳爲王女墓或同葬此山歟至以王女爲眞娘則謬甚眞娘唐妓也亦葬虎邱李紳
詩序極明姚氏刻唐宋八大家帖多濫收其最鄙惡者莫如黃文節檄龍文此三家村無識者所爲後載
子山跋亦鄙惡此種尙收入何也文中稱修又稱永叔又稱歐陽公稱鄱陽湖又稱震澤又稱河神錯雜
可笑乃至此又僱字眞鄙惡之至矣稍知小學者無此也後宣江上跋是眞跡江上不斥帖爲僞造而以
微辭寓之其受主人財耶不然不至無黑白如此也

南唐春秋盧絳入氣樓盜米氣樓倉屋中高出數椽四空以疏米氣者也

廣韻瞽聽目微臥貌今吳人以微臥爲打瞽聽

漢書公孫劉田傳贊斷斷焉行行焉行胡浪翻今吳人以大聲爭辯爲斷行
韓襄毅爲山西副使寧王劾其擅乘肩輿是明中葉監司尙不得乘肩輿也

漢書薛宣傳。兄弟相駁不可。師古曰。駁者。執意不同。如色之間雜。文徵中。初名璧。吳愈之壻。愈字惟謙。梅村之高祖也。

呂刑。明啓刑書。古有刑書。子產失在鑄之示人耳。

蔡邕傳。有程大人者。將爲國患。漢唐傳。詔人多稱大人也。

廣韻。𦣻。吐。𦣻切。𦣻。私。𦣻切。𦣻。𦣻。不。謹。貌。𦣻。亦。吐。𦣻切。𦣻。古。𦣻切。𦣻。𦣻。多。言。今。吳。人。以。語。相。及。爲。𦣻。𦣻。多。語。而。𦣻。𦣻。不。止。爲。𦣻。𦣻。𦣻。𦣻。無。語。而。意。不。舍。爲。𦣻。𦣻。𦣻。音。義。與。𦣻。𦣻。通。作。𦣻。猶。作。踐。作。藉。耳。十。國。春。秋。張。崇。刺。廬。州。貪。暴。俗。人。爲。人。死。作。水。族。陰。府。判。云。焦。湖。千。里。一。任。作。𦣻。乃。同。音。嘲。之。耳。謂。𦣻。食。棄。殘。作。𦣻。如。言。狠。藉。其。說。非。也。

脾。洩。方。青。木。香。肉。豆。寇。等。分。棗。肉。爲。丸。米。飲。下。二。十。丸。此。方。江。南。司。農。少。卿。崔。萬。安。禱。后。土。祠。所。得。太。熱。疾。平。宜。止。

翼。奉。傳。待。詔。宦。者。署。公。府。名。署。始。此。

蓋。寬。饒。傳。衛。司。馬。常。爲。衛。官。繇。使。市。買。卽。屬。官。爲。上。官。幹。辦。也。自。古。有。之。

鄭。崇。傳。與。傳。同。門。學。後。世。有。同。門。之。稱。始。此。

持。詔。書。案。起。師。古。曰。案。者。卽。寫。詔。之。文。後。世。公。牘。言。案。始。此。

愛。妾。換。馬。本。獨。異。記。

故丁廉翻傳燈錄將刀頭顛兩顛當作战又战戮皆從支朱子作點掇借字也
程史王瀘溪在貶所太守不禮至不免旬呈按旬呈今畫卯也

漢私印最廣唐人始用之鈐圖書宋人始用之署名之下元王冕始用乳花石刻印明陳王石始以八分刻印程邃始以鐘鼎文刻印

史記太史公自序卒述陶唐以來至於麟止師古曰遷敘事盡太初至麟而止按麟止猶麟至也語本甚明猶云終於麟至耳師古注不明析漢書揚雄傳太史公記六國歷楚漢記麟止亦言麟止與史記同
京房傳載房構石顯五鹿充宗語極曲折房與張博謀令淮南王上書事極詭秘皆孟堅用意之文李尋傳於漢末造事多億中然賀良等改制竟無益翼奉傳極論平昌侯來見正辰加邪時及上以奉爲郎中問以時日奉對又爲兩可之辭數條亦用意真然犀照若輩矣可謂良史也
敘傳趙李諸侍中皆引滿浮白趙卽趙皇后李卽李健仔其族之侍中者也古詩趙李相經過當指此各注多謬

王莽傳以戊辰直定御王冠卽真天子位師古曰建除之次其日直定

敘傳史遷贊薰胥以刑師古曰小雅雨無正淪胥以鋪胥相也鋪變也相率牽逼得罪也韓詩淪作薰謂相薰習漸及之義按史公因李陵得罪故曰薰胥以刑

西域傳睹羌作服刀劉德曰服刀拍牌也蓋此刀甚長懸服之則拍至髀耳五代時拍刀卽此

西南夷傳。自相師以東北至榆葉。名舊。昆明編髮。隨畜移徙。師古曰。編。步典反。按今書作辯。說文。辯。交也。廣韻。東魯人呼蘆葦爲菰。蘆。按菰蘆。邇邇。鼃鰕。驢驘。音義皆通。

王莽傳。霸橋災。莽惡之。下書曰。三皇象春。五帝象夏。三王象秋。五霸象冬。邵子書本此。古人當有此種學問。至邵子乃大明耳。

東岳太師立國將軍。保東方三州一部二十五郡。南岳太傅前將軍。保南方二州一部二十五郡。西岳國師寧使將軍。保西方一州二部二十五郡。北岳國將衛將軍。保北方二州一部二十五郡。太元方州部家。準此矣。亦美新之意歟。

蕭望之傳。少史冠法冠。爲妻前引。此婦人用夫鹵簿也。

食貨志。所忠言世家子弟。富家或鬥雞走狗馬。獵弋博戲。亂齊民。乃徵諸犯令相引數千人。名曰株送徒。按此禁博戲之始。船五丈以上一筭。此稅船之始。

樂語有五均。鄧展曰。樂語樂元語。河間獻王所傳。臣瓚曰。其文云。天子取諸侯之士。以立五均。則市無二價。

元龜巨冉。長尺二寸。直二千一百六十。爲大貝十朋。蘇林曰。兩貝爲矧。直二百一十六。元龜十朋。故二千一百六十也。元龜直大貝十朋。公龜直壯貝十朋。侯龜直玄貝十朋。子龜直小貝十朋。王莽之法耳。師古曰。龜以下占貝以表飾。故皆爲寶貨也。禮器正義。鄭康成說十朋之龜。引爾雅一神龜。二靈龜。三攝龜。四

寶龜。五文龜。六筮龜。七山龜。八澤龜。九水龜。十火龜。按漢書十朋之龜。至巨不過二千一百六十。不得爲意外之益。禮器正義。十朋之龜。則天下無十龜並益之理。易義從古注并程傳。作十朋之爲長。

天文志。元延元年四月丁酉日晡時天暉晏。今作晴。俗字也。

宋史。天竺國表。伏願支那皇帝。今佛經題支那。言中國也。

蓋寬饒傳。及歲畫交代。上臨享。交代二字始此。

齊東野語。喉閉。研鴨嘴。膽礬。蘸醋調灌。極效。膽礬難真。宜預儲。

熊膽去筋膜塵土。入冰腦一二片。開目翳極效。以銀針點之。痒則加姜粉。驗熊膽。以淨水一器。蠶塵。投票許。卽塵開。

大雲山房雜記卷二

青箱雜記驛馬始開元。前此皆給傳車。按釋文以車曰傳。以馬曰遞。左傳子產乘遞而至是也。戴侗曰以車曰傳。以騎曰駟。左傳楚子以駟至於羅汭是也。韓非子傳騎從中來謁。則明言騎矣。雜記所言乃廢車專用騎之始耳。

畫塼錄唐笏短厚不屈。故可用擊人。今笏雖段公亦無能爲也。是笏至宋始薄而曲也。翹關取門關持其末五舉爲合格。

憲書後宮宿百二十年。畫塼錄言本止一甲子。宋真宗年五十九嫌數迫故展之。

東軒筆錄雍子方戲劉貢父云。據罪名應決臀杖十三。按宋史刑法志太祖定折杖之制。凡杖刑五杖一百。臀杖二十九。臀杖十八。八十。臀杖十七。七十。臀杖十五。六十。臀杖十三。蓋杖刑之輕者也。琵琶記亦引之。

後漢書楊震傳先生自此升矣。後世言升官始此。元明史皆書作陞。

彭文勤公知聖道齋書跋朱子周易本義雜卦注咸速恒久。宋本作咸速常久。宋本無卦象分宮卦名次序卦變等歌。又無履象夬象文言內三處所引程傳。按朱子之學以博歸約以雅從俗。然如今本義本之俗朱子豈爲之耶。